


田 參
E-426
PYX-2

民國十一年秋季


馮玉祥書牘全編

競智圖書館出版

303426



F Y X - 2



馮玉祥書牘全編

民國十一年秋季

言

競智圖書館出版

吳佩孚讀書全集編

吳佩孚現為中外矚目之一人。凡讀其函電文字者，莫不特別注意。蓋言以人重，其聲價已可概見矣。是編蒐羅吳氏歷年宣布之函牘，按次彙輯成書。長篇具錄，短篇並搜，既無遺珠，可窺全豹。凡我國人欲覽吳佩孚對內對外一切有關時局之文章者，不可不手此一編。

全書洋裝一冊 定價大洋六角

例言

一近今號稱軍人模範者。惟馮玉祥一人。其聲望固不藉書牘之宣傳。而其書牘自有特殊之價值。茲爲之編輯成書。以餉我國人。當無不歡迎也。

一本編搜輯馮氏函牘。自民國七年起。至十一年止。凡有關於軍國大事之文字。均已按次採錄無遺。

一本編對於馮氏發生之重要問題。間亦附錄他人函電。藉以證明當日事實之真相。

一馮氏宣布之政令文告。並爲一時所傳誦。茲特擇要附刊。以便讀者得悉其大畧。

一編中遇有原稿字跡之脫誤者。以口代之。

說 小 史 歷

西 太 后 秘 史 演 義

通 俗 最 美 的 奇 書

此書紀慈禧太后三次訓政事實。賅括清末四朝六十年經過之歷史。原原本本。分章演義。其內容包涵萬象。應有儘有。材料豐富之特色。一自起至訖。一氣相生。線索分明之特色。二旁證博引。絕無譫語。致据翔實之特色。三情文相生。泌脾豁目。議論新穎之特色。四至如夾註總評。以筆代舌。以舌代筆。啓之長康。查相。尤能於頰上添毫。洵說部之上乘也。全書不下三十萬言。目次分三十二回。

各 界 必 讀 的 說 部

全書彩面
洋裝八冊
裝一錦匣
定價大洋
二元特價
一元二角
外埠函購
另加郵費
一角三分

馮玉祥書牘全編目錄

- 致府院請罷兵以全和局……………一
- 致南京督軍述告決定主和之同情……………三
- 致國務院請澈究以明心跡 附爲馮旅請命及辯誣三電全文……………六
- 致曹錕詳報廣濟剿匪之情形……………一
- 致院部報告南軍進逼常德之現狀……………一
- 致張敬堯請代向政府索餉……………一
- 致吳佩孚言宜審慎罷戰之舉動……………一
- 致各報館請催和會代表早日接洽……………一
- 致唐少川勸勿辭和會代表之職 附軍政府覆文……………一
- 致各商會各報館通告張學濟禍民開釁之罪狀……………一

致政府剖陳截留路款之苦衷	二二三
致各當道聲明豫軍藉端啟衅	二一四
致皖當道請查辦勒捐刈麥之駐軍	二一五
致陳樹藩通知飭部開駐潼關	二一六
致各報館通告閻督出缺	二一六
致各報館通告接署陝事	二一七
致三原靖國軍聯絡感情	二一八
致參陸部報告在陝進攻敵軍之情形	二一八
其一	二一九
其二	二二〇
其三	二二一
其四	二二一
其五	二二二

致院部請緩發表懲辦岳維峻之命令	三三三
致院部請示機宜	三三三
其二	三四
致曹錕請寬免張飛生之罪	三四
致院部索餉	三五
其二	三六
其三	三六
其四	三七
致政府力辭陝督	三八
致曹錕吳佩孚請轉電政府簡員接替 附曹錕覆電	三九
致政府報告禁烟情形	四〇
致各報館認籌膠濟路款	四一

- 致各報館主張根本取銷鹽餘借款……………四三
- 致各報館請一致聲討梁士詒……………四五
- 致財部請速打消九六公債……………四六
- 致董康勸其嚴查財弊……………四七
- 致華洋義振會及各慈善團乞振……………四九
- 其二……………五〇
- 致各報館痛斥張作霖袒護帝孽……………五一
- 致各當道通告率兵出關……………五二
- 致豫趙督通知率部進駐鄭洛……………五二
- 致各報館通告就援直陝軍總司令職……………五三
- 致開封商會請籌糧秣……………五三
- 致各報館通告趙倜反覆之罪狀……………五四

致各報館宣布豫變之顛末	附豫西旅京同鄉會電文	五五
致府院婉辭豫督		五七
致府院請維持張鳳臺		五八
致各報館主張恢復國會		五八
致第一屆議員奉賀召集開會		六〇
致各報館聲明閣員之賀電		六一
致伍秩庸勸其北來		六一
致各報館反對聯省會議		六一
致河南旅滬商聯會復告次第肅清土匪		六三
附刊		
聲討倪嗣冲之誓詞		六三
保守軍械之飭令		六三

保護學校之訓令	六四
保衛商民之訓令	六五
對於軍官禁烟之手諭	六六
對於商民禁烟之通告	六七
信教自由之佈告	六七
解散脅從之佈告	六八
設立圖治館之飭令	六八
通飭官長慎用鄉親之訓令	六九
治豫大綱之公布	七〇

馮玉祥書牘全編

●致府院請罷兵以全和局

(銜署)民國肇基。甫經七載。內部爭鬪。於今三年。而最無意識。無情理者。莫過於南北。此次之戰爭。既無不共戴天之私仇。又無非我種類之公怨。兄弟鬩牆。全球騰笑。於是將領有悔禍之心。軍士無必死之志。長沙潰退。足為昭鑒。王范會請停戰。四督聯電。調停痛隙。外侮之既深。極言內爭之非計。稍有人心。皆為感動。玉祥奉令援閩。不欲冒昧南渡。駐兵浦口者。實為促成和局起見也。停戰令下。私心欣喜。以為化險為夷。庶幾有望。何圖荆襄啓釁。岳州不守。戰禍重開。討伐又起。職祇改道援鄂。何敢妄參末議。惟自問天良。實有未安。鬪牆雖兇。終為昆弟。敗不為辱。勝不足榮。一之為甚。豈堪再誤。以言外侮。則協商雖有煩言。日人強設民署。俄德煽和。尤為可危。以言內政。則同胞死於兵燹。死於水災。竊

363226

疫。流。行。僵。尸。累。積。哀。哀。萬。民。幾。無。生。路。以。言。財。政。則。羅。掘。俱。窮。公。私。交。困。借。債。生。活。朝。不。保。夕。以。言。軍。實。則。數。戰。以。來。損。失。無。算。軍。械。借。款。徒。召。亡。國。蔽。於。感。情。激。於。意。氣。視。同。胞。爲。仇。讎。以。國。家。爲。孤。注。言。念。及。此。可。爲。痛。心。民。國。主。體。在。於。人。民。民。心。嚮。背。所。宜。審。察。置。民。意。於。不。顧。快。少。數。之。私。忿。成。敗。得。失。不。難。立。辨。年。來。天。災。迭。降。日。昨。地。震。復。發。默。觀。天。意。無。非。愛。我。中。國。使。知。省。悟。而。悔。禍。息。事。而。寧。人。也。現。岳。州。雖。歸。湘。有。荆。襄。已。爲。鄂。得。各。守。疆。圻。兩。不。相。犯。挽。回。補。救。易。如。反。掌。何。仇。何。怨。必。欲。自。殘。玉。祥。分。屬。軍。人。且。爲。北。洋。之。軍。人。維。繫。團。體。夫。豈。無。心。惟。念。國。家。養。兵。所。以。衛。國。總。統。爲。一。國。之。元。首。軍。人。以。服。從。爲。天。職。使。元。首。而。果。主。戰。敢。不。惟。命。是。從。然。元。首。始。終。以。和。平。爲。心。早。爲。中。外。所。共。知。討。伐。之。令。出。自。迫。脅。有。耳。共。聞。無。可。掩。飾。此。玉。祥。所。以。不。敢。冒。昧。服。從。以。誤。元。首。而。誤。國。家。也。昔。庚。子。拳。匪。之。變。清。廷。力。主。借。拳。匪。以。滅。洋。許。景。澄。及。袁。昶。上。書。諫。阻。有。日。明。知。觸。犯。忌。諱。萬。無。生。理。然。愛。清。廷。雖。死。亦。不。敢。不。言。玉。祥。人。微。

言○輕○亦○明○知○必○觸○富○軸○主○戰○諸○公○之○怒○然○區○區○天○良○愛○我○國○家○愛○我○總○統○既○有○所○見○不○忍○不○言○多○日○欲○言○而○未○敢○言○者○今○敢○披○瀝○痛○陳○於○我○大○總○統○總○理○及○全○國○有○道○諸○公○之○前○如○以○國○家○爲○可○憐○也○則○請○迅○速○罷○兵○以○全○和○局○如○以○國○家○爲○不○足○惜○也○則○請○先○殺○玉○祥○以○謝○天○下○熱○誠○所○激○不○暇○擇○詞○臨○穎○垂○涕○不○知○所○云○

陸軍第十六混成旅旅長馮玉祥叩寒印。

●致南京督軍述告決定主和之同情

南京督軍鈞鑒。旅長巧日致總統總理一電。文曰。戰禍重開。江漢潮湧。我總統總理息事甯人之苦心。暨全國諸公排難解紛之寸效。一舉而付諸東流。如豆自煎。如瓜自剖。國將不國。良切杞憂。寒日通電。略布區區。敢申前請。惟乞鑒察。夫此次之戰爭。人以護法爲口實。我以北派爲號。召名義之間。已不若人。況乎民意機關。已歸烏有。今之主戰者。咸以前清庚子端王剛毅之見爲心理。何足以代表全國人民之眞意。存亡所繫。誰敢苟同。是以將領有不戰之心。軍士無

必死之志。長沙先潰。岳州自奔。勢所必致。理有固然者也。王范主和於前。四督調停於後。李軍統階平張將軍敬輿等。亦均以息事寧人之熱誠。發爲愛國救民之偉論。茲數君子。孰非北人。何厚於南。何薄於北。祇以天理人情之所在。發於天良。而不能自己耳。乃一經主和而主戰者。遂大不滿意。多方排擊。不日曰北洋奸細。卽指爲降服南人。推其居心。必使人人言戰。殺盡同胞。方足以快所大欲。國亡種滅。勢不旋踵。何仇何怨。至於此極。士氣盛衰。關係成敗。北派軍隊訓練。有年。辛亥壬子。諸役何以能戰勝南方。此次何以迭爲南軍所敗。師直爲壯。曲爲老。不已昭然可見乎。若夫總統總理。始終以和平爲心。久爲中外所共知。而某省則曰元首主和。卽將獨立。元首則曰本願息事寧人。惟恐疆藩獨立。不得不進而主戰。上擁虛名下無法守中央之威信。蕩然國家之綱紀掃地。此而不亡。寧有天理。言念及此。不寒而慄。若以受挫於南。視爲大辱。試問較之外國孰重孰輕。不與外人較。雌雄祇與同胞爭勝負。無論成敗。同屬自殘。卽獲勝

利詎有榮光。況在我無必勝之算。在人無必敗之理。私人嫌怨。尙宜及早回頭。國家存亡。庸可置之度外。意氣不可爭。武力不足恃。爲公理與正義而戰。雖敗亦榮。爲意氣與私忿而戰。雖勝必辱。祥雖不敏。審之熟矣。而今日言戰之人。究竟有無確實把握。是否有必死之志。懲前毖後。所宜深審。若僅空口言戰。隱蔽元首乘機以擴充其力。詐取軍費。或一旦遇敵。便先退却。事後以治軍無狀。自解非惟誤軍。抑且誤國。一敗再敗。至於三敗。大局益將不可收拾。此玉祥所爲。日夜深憂者也。同室有鬪。敢辭披髮之誼。厥兄彎弓。是用垂涕而道。鈞座夙好和平。素持公道。伏乞貫徹初衷。力全和局。千鈞一髮。稍縱卽逝。現岳州北軍。旣已退出。所未解決者。祇爲國會一問題。玉祥迫於愛國之熱誠。實不敢冒昧言戰。以誤將來。惟望國會早開。民氣早伸。罷兵修好。時局早定。如仍有不以國家爲前提。而以破壞爲能事者。竊願爲國前驅。萬死不辭。禍迫眉睫。不堪再誤。臨穎待罪。無任主臣等語。我憲苦心調停。於今三月。勞怨不避。百折不回。熱誠慈

抱薄海同欽。竊嘗心維口頌。謂能爲北洋軍人。爭人格者。惟我鈞憲一人。扶危定傾。非公莫屬。江漢潮沸。危機愈迫。惟乞不畏強禦。貫澈初衷。救國救民。功德無量。前云。祇知爲國身家。均可犧牲。祥雖不才。竊願附驥區區。此心可質。天日臨穎。請命神與電馳。旅長馮玉祥叩巧。

●致國務院請澈究以明心跡

(上略)奉院養電。無任悚惶。責詢派兵強提稅款。並無其事。玉祥所部軍隊。既係直轄中央。如有需用款項之時。自可電請中央撥付。卽有須通緩急之處。亦當直接與鄂督磋商。焉有擅行勒款之理。伏乞澈究以明心跡。外間所傳蜚語。俱屬捕風捉影之言。萬勿輕信。玉祥現駐武穴。仍督率軍隊。照常操練。保衛商民。無犯秋毫。嗣後擬每日電達鈞座。以免時有隔閡。謹述情形。以慰塵注。(下畧)

按玉祥電院。辨明心跡後。中央仍不見信。迨免職查辦令下。都中連接三電。一爲代理旅長董世祿所

發請收回代理任命。仍令馮旅照舊供職。以慰軍心等語。一爲團長鄒心鏡領銜。率全體軍官十人。發一千四百餘字之通電。爲馮旅請命。至其有在武穴擅提官商各款等情。武穴商會及各團體。亦有一電。爲馮辯誣。茲將三電全文。附錄如下。

(一) 董世祿請收回罷馮成命電文

(銜略)恭讀二月有日大總統命令。以馮旅長玉祥通電主和。勸提鹽釐各款。免職交曹宣撫使查辦。又任命董世祿代理陸軍第十六混成旅旅長各等因。命令攸關。曷敢踴躍。惟查主和之電。實因全體官兵。愛我國家。愛我總統。一致決心。籲懇我旅長停止武穴。表明宗旨。以促和局。誓抱此目的以進行。今免我旅長一人之職。我旅長不能任其各。而世祿亦不能坐視我旅長。獨任其咎也。我旅長治軍嚴明。人所共知。勸提鹽釐各款之說。王督軍已來電聲辯其誣。不知中央究從何處得此消息。赫然震怒。此事關係全軍名譽。是非虛實。一查卽知。我旅長不能冒認其咎。世祿與全體官兵亦不能冒認其咎也。我旅長上年因諱傳良佐而被免職。復辟事起。單身冒險。以擁戴芝老。遵隨香帥。削平大難。再造民國。今論兵力。實不如北。芝老爲參戰督辦。香老爲陸軍總長。荷叨覆庇。百倍從前。我旅長何敢自外。生成不聽命令。而其所以不能不出於主和者。亦因滿腔熱血。愛護國家。目視時艱。不敢再陷喪師之覆。

輒以誤國家而同時於此也。其委曲苦衷。世祿知之最確。決不敢稍有粉飾。且世祿隨我旅長。共同患難。歷有年所。欽佩崇拜。出自天良。世祿何人敢虜重寄。我旅長即命之後。立欲交卸。越漢待罪。全旅官兵。涕泣挽留。寢食俱死。不忍相離。世祿自問天良。決不能聽我旅長之遠去。爲人格計。亦決不能變更主和之初衷也。俄德媾和已成事實。日本出兵。亦將實現。外患日熾。禍在眉睫。世祿雖愚。但知愛國抗命之罪。萬死何辭。與其爲亡國後之安重根。而無所補救。何如□強陳死於今日。而冀有轉機。熱誠所激。冒昧上陳。伏乞卽日收回成命。仍令馮旅長照舊供職。以安軍心。不勝惶恐待命之至。陸軍第十六混成旅步二團團長董世祿叩。京印。

(二)馮旅全體官佐請收回罷馮成命電文

(銜略)頃閱報載二十五日大總統命令。因馮旅長通電主和。在武穴勸提贖贖各款。免職查辦等因。恭讀之餘。無任惶惑。嘗聞朝有諍臣。其國必興。家有諍子。其家必盛。此次南北戰爭。曲直早有所在。和平本元首初心。討伐實由於脅迫。一敗再敗。可爲寒心。我旅長愛我國家。愛我北系。熟權利害。茲後懲前。寧負妄言之譏。不敢貽覆軍之咎。冀當道之悔悟。促大局於和平。明知言出禍隨。亦不忍安於緘默。耿耿熱誠。天人共鑒。況王范主和於前。四督調停於後。全國奔走呼號。祈求和平者。更不知其幾千百。

人歷時數月未聞懲一以儆效尤我旅長之主和較後於人今竟以言獲罪免職查辦損失其平何足服人此宜請收回成命者一也謠詠繁興傳聞失實鹽釐鉅款非隻手所可提取既已勸搗又豈口舌所能掩飾查本旅到武穴以來無論何款未敢妄動分文地方供給一概拒絕事跡昭昭在人耳目昨奉王督軍宥電內開前於巧日電陳大總統係云執事有向鹽釐各局借款之意如中央餉項未到即由旅部出具印結作為暫借等語今中央命令實係誤會等因是王督軍電陳中央亦並無勸提款項之說今以莫須有三字羅織成獄公理掃地人人自危此宜請收回成命者二也溯我旅長因面陳陸軍部前次長傅良佐辦事不公於六年四月一日免職剛值復辟事起我旅長首與李師長階平段芝老爲討逆總司令會不兼旬戡平大難今以內閣終兇復隨李階平先生之後一致主和血誠愛國終始不渝蓋民心之向背關係成敗復辟有必討之理此次實無名之師外侮日深財政日窘瞻念前途樛樛危懼此我旅長外觀大勢不能不主和者也本旅揚書記道誅以同膺相殘自促滅亡在浦口冒死上書阻止出發我旅長答以容至前方再請命於政府而揚書記以言不見納於二月二日下午在浦口投江而死官兵咸動莫不涕零又砲兵團蔣團長鴻遇亦不主賊託病竟去此一介官佐固屬無關輕重然足見本旅官佐目兵傾向和平之心理亦決非愛惜性命貪戀爵祿者可比士氣如此卽勉

強○開○赴○前○敵○其○不○陷○迭○次○失○敗○之○損○轍○者○幾○希○此○我○旅○長○內○審○軍○心○不○得○不○主○和○者○也○查○上○年○三○月○二○十○日○本○旅○曾○電○政○府○與○德○絕○交○一○旦○宣○戰○願○爲○前○驅○蓋○與○外○人○戰○爲○公○理○與○正○義○戰○雖○敗○亦○榮○雖○死○亦○甘○本○旅○全○體○官○兵○雖○云○庸○愚○頗○知○此○義○連○年○血○戰○以○少○勝○衆○百○戰○餘○生○尙○何○所○懼○我○旅○長○上○年○由○臨○坊○離○職○時○官○兵○退○至○車○站○哭○聲○震○天○此○次○又○奉○令○免○職○日○昨○即○欲○交○卸○搭○船○赴○漢○投○曹○宣○撫○使○行○轅○待○罪○軍○心○皇○皇○危○險○萬○狀○我○旅○長○衷○懷○坦○白○毫○無○留○戀○然○職○等○處○此○千○鈞○一○髮○之○際○爲○生○死○存○亡○攸○關○爲○國○家○計○爲○總○統○計○爲○本○旅○計○存○顧○與○我○旅○長○俱○死○決○不○敢○任○其○獨○去○也○伏○乞○我○大○總○統○俯○鑒○衷○忱○收○回○成○命○以○安○軍○心○而○挽○危○機○否○則○即○請○將○我○官○兵○九○千○五○百○五○十○三○人○一○律○鎗○決○以○謝○天○下○職○等○愛○我○總○統○愛○我○國○家○熱○誠○所○激○冒○死○上○陳○臨○風○叩○麟○不○勝○屏○營○待○命○之○至○陸○軍○第○十○六○混○成○旅○團○長○鄒○心○鏡○等○同○叩○東○印○

(三) 武穴各團體爲馮辯誣電文

北京大總統國務院鈞鑒。頃閱二十五日大總統命令馮旅長因在武穴勒提鹽釐各款免職查辦。又閱各報載有馮旅長在武提取公項挪借商款並扣留縣知事等語。會等聞之不能不曲陳是非。行彰公道。查馮旅長自舊臘二十四日到武暫駐。今正月初四有副官霍某至各縣局詢問有無存款。以補餉

需不濟時。屆時電稟督軍。就近印收借用。俟餉到時。如數歸還。此不過預商情事。並無勒提之說。又廣濟縣知事。因公來武。因未會晤旅長。旋即回縣。復於初十日又來。始得晤談。何云扣留。征收局局長陳景虞。每屆解款。均自躬親。今正覈冊晉省。並非他逃。至於挪借商款。則影響毫無。馮旅駐武。現已彙旬。紀律嚴明。官兵均住棚帳。所有踐踏鄉民蔬菜。按畝給價。計需洋四百餘元。又如民人失慎。該旅長親督工兵。奮力施救。旋即撲滅。事後又各按戶賞給恤金。計費去三百餘元。種種情形。商民等感激不盡。誠恐府院不明真相。特據實電陳。伏乞垂鑒。武穴商會保衛團合鎮全體代表等叩。

●致曹錕詳報廣濟剿匪之情形

漢口曹宣撫使鈞鑒。密前因匪擾蘄春。奉王督軍電。令派鹿營長鍾麟帶混成一營。前往追擊。會電稟在案。茲據鹿營長由廣濟報稱。二十五日。據探報有匪三百餘名。盤踞廣正化山內三四十里。因地形險惡。不便深入。遂佯言奉令開往武穴。當即星夜籌備夫役等項。旋接得力偵探報告。匪有待我軍前發。後來襲廣濟之意。該營長遂於二十六日下午三點半。率隊向武穴出發。至十里外。

停止於六鐘。又接探報。匪知我軍出發。乘夜來劫廣濟。當時帶步兵兩連。及機關槍兩架。暗向廣濟北方行進。至距城十里之姚婆嶺。聞前方犬吠甚急。一面布置各連。分佔山頭。一面向前偵探。果有匪人結隊前來。遂令開鎗射擊。又派隊往圍其後。匪亦還擊。約戰三小時之久。至十二點時。見火起數處。命兵士猛射夾擊。匪鎗遂息。天將拂曉。向前搜索。匪已遁逃無蹤。搜得雜色步鎗五十九桿。子彈二千餘粒。共斃匪人二十三名。我軍兵士受傷一名。據土人言。匪分兩股潰散。一股往麻城方面。一股往太湖方面等情。據此旅長遂令派隊向麻城跟追。惟太湖方面。因係皖境。不便前進。以免誤會。特此奉聞。旅長馮玉祥叩。印。

● 致院部報告南軍進逼常德之現狀

(上畧) 譚延闓近藉討伐廖湘雲爲名。派吳劍學率兵進駐洪江。先到已有十八營。聞繼到尙有二十營。表面似爲湘南湘西之內爭。默察布置情形。實含有

攻取常德桃源之準備。湘西形勢。由桃源西上。重山疊嶂。綿亘黔境。洪江與辰谿合流。直達常德之朗江。一水遙通。有高屋建瓴之勢。由洪來常。朝發夕至。而目前辰州方面。黔軍本有一混成旅。田（應詔）部川軍。及新收周（則范）部。約四千餘人。張（學濟）蕭（汝霖）林（德軒）各部。合有四千餘人。重以新增之二十餘營。共數實在四萬人以上。職族以數千之衆。分駐常桃。常德爲咽喉之路。適當其衝。衆寡懸殊。應否作別項準備之處。請卽迅授機宜。以免貽誤。（下畧）

●致張敬堯請代向政府索餉

（上畧）旅部餉項。數月未蒙中央撥發。萬分爲難。然餉項爲目。兵養命之源。按月所得。自給贍家。亦屬勉强。再並此而無悽慘之情。有未可以言語形容者。若能就地籌措。亦不肯坐而待困。無如湘西地方。頻遭蹂躪。商民損失。早已不堪。羅掘無從。雖奉諭令於常桃澧等縣各徵收機。就近借撥。或代爲他處挪借。而提解亦屬有限。餉項既不能發。火食則不能不代爲購買。數月以來。供給食

料數已不資。今且食將不繼。萬不得已。再三呼籲。伏懇據情代呈。爲旅部官兵乞命。縱一時未能照發。先給一兩月餉。以備購買糧秣之用。待命之至。(下畧)

●致吳佩孚言宜審慎罷戰之舉動

(上略)頃讀敬日通電。請撤隊北回。休養餘力。以備對外。敬聆一是。惟竊以爲當此之際。無論和戰。均宜聽之中央。且我北方將領。必須一致。通電稿關係甚大。似宜先互商妥洽。不可即行入名。致滋誤會。稍一不慎。爲敵所乘。於大局有害。且自相分裂。誠恐彼此不保。竊期以爲不可。榮辱與共。敢佈愚忱。(下畧)

●致各報館請催和會代表早日接洽

各報館均鑒。民國肇造。於今八載。國本未固。外患日深。蒙邊不靖。西藏多事。山東問題。迫在眉睫。內部之糾紛。不解。外交之責任。誰負。謀統一以救危亡。至今日而毫無疑義矣。玉祥一介武夫。位卑言輕。願身軍旅。義惟服從。不到大難。何敢越職言事。自取咎戾。惟念軍人以擁護國家爲職志。國存與存。國亡與亡。環

顧險象紛乘。慄慄危懼。有不忍不言者。非干政也。本年以來。水患頻仍。飛蝗蔽天。暴風爲虐。皖豫閩浙等省。被害尤鉅。人民蕩析離居。幾於無處不然。災情之重。未有若今時之甚者。想人所共見共聞也。此乃上帝示儆。望人悔改。勿謂天災流行。國家代有。大局未殫。不遑多慮。前明之季。黨派林立。互相侵軋。以權利爲目的。視人民爲魚肉。迨至崇禎。水旱連年。盜賊蠱起。糜爛不堪。無法收拾。吳三桂借外兵以平內亂。而明社遂屋矣。以今日之國勢。與前明較。不逮遠甚。前明之國家尙統一。而今日之國家多紛爭。前明之外患（中有脫句）徧四周。奮全力以抵禦。猶懼不濟。救亡之不暇。何爭執之可言。滬上和會。非謀國家之統一乎。乃旣開旋停。未議先紛。事實法律之研究。變而爲黨派。個人之關係。愈爭愈奇。愈接愈離。袞袞諸公。舉皆老成宿望。昔時同寅協恭。本無深仇積怨。今茲脫離專制。反竟冰炭不合。縱使政見各殊。何至絲毫難容。以對人爲問題。不畏強鄰之非笑乎。玉祥所汲汲焉。渴望和平者。恐我全國之土地人民。同歸於盡。

也。改革以還。兵戎不息。損失之數。難以億計。平心思之。果誰氏之財產。而坐視日蝕。月耗。淪胥以盡。卽以軍餉一端而論。所需逾全年。租賦入額十分之七。政費。口費。不與焉。每年入不敷出。借外債以支。挪然七折八扣。實得無幾。補苴罅漏。左支右絀。工藝未及興。地利不欲闢。民生日形凋敝。賦稅從而出。臥薪厝火之景象。久爲外人所深悉矣。夫外債之所以能借者。債權者利。其有財產抵押也。業已羅掘俱窮。膏血殫竭。誰肯抵借。哀鴻遍野。死亡枕藉。公債亦無人應募。譬猶巨室敗落。房屋依然。而非已有他人之伺隙覷覷者。猶復暗中挑撥。使同室之人。緩劍必爭。纖細不讓。直至無可挽回。然後起而迫之。則一敗塗地矣。自古亡國敗家。未有不由內亂者。近世亡人家國之新法。亦未有不暗中挑撥。使其自相分爭。同罹於萬劫不復。而後已。印度高麗。實爲前鑒。今者南北對峙。儼成敵國。政府並立。國樹雙頭。不獨全國不能統一。卽南之與南。北之與北。亦且意見橫生。各相猜忌。蔡濟民無故遭慘程。潘質慝被逐。撲索迷離。眞象莫

測誰是誰。非不可思議。玉祥駐守湘西一年。有奇聞。目擊無一非可悲。可痛。可悔。可改之事。回思辛亥革命之秋。國內賢豪流無數之熱血。至今日不能挽回。國脈能不爲死者傷乎。竊謂我國處此危急存亡之際。不獨對人不成問題。恐法律之爭未決。而外患已迫。我難堪矣。一線轉機。只在此次和議耳。唐代表國內者。舊內政外交。辦理有素。此時岌岌可危之狀況。當已深籌熟計。排難解紛。設法開議。以國家爲前提。拯人民於水火。攜手言和。共謀挽救。縱萬分爲難。亦不可辭職引退。使和局再行擱置。更望我南北當局。迭電頻催。使雙方代表。早日接洽。千萬勿待外人干涉。以致悔之無及。欲求如今日之狀況。而不能則幸甚。一髮千鈞。稍縱即逝。迫切陳詞。急不擇音。言之當否。伏祈矜鑒。湘西鎮守使陸軍第十六混成旅旅長馮玉祥叩。皓印。

●致唐少川勸勿辭和會代表之職

議和總代表唐少川先生並轉章胡諸位先生均鑒。奉冬電。不勝歎惋。時至今

日。民命倒懸。國交危迫。及此議和。猶懼後時。乃於協約會議進行中。內國和議。復有不得已而停頓之舉。玉祥前聞各代表辭職。旁皇中夜。憂心如焚。茲誦電詞。更不知前途之所屆。惟念我大總統奮身救國。既鑒於世界弭爭之大勢。而和必不肯重遠乎全國望治之精神。而戰。凡我袍澤。具表同情。所慮有妨議和。各事必有圓滿解決辦法。公與各代表。明達匡時。既爲悲憫。而出務望貫澈。終始。勉思相忍爲國之義。徐就九仞一簣之功。國之大命。實所賴之。迫切陳詞。惟有雪涕。馮玉祥叩江。

附軍政府詳述和會破裂緣由之復文

常德馮旅長鑒。暗電敬悉。民國八載。擾攘不休。台端悲天憫人之懷。爲痛哭流涕之言。凡有血氣。孰不動心。雖然。禍患之來。必有其故。雖日言挽救。終愈趨而愈遠。台端追述明季之事。以較今日。謂爲空前巨變。謂曰不宜。願此中得失之故。有不能不爲台端一陳者。國於天地。必有與立。專制之國。威信是也。立憲之國。法治是也。專制之政。雖不容於今日。然當其存在之時。豈無其所以存立之故。胡季乾綱失

變權奸奄。盤相繼竊柄。以致於亡。其流寇猖獗。滯人內犯。宗社爲墟。南服播遷。皆其數十年之惡政。有以致之。今吾國號稱共和。政爲立憲。其所以維持國家之生存者。法紀而已。乃統軍將領。地方長吏。竟至稱兵犯順。脅迫總統。顛覆國會。綱維不張。惟力是尙。以致豪強乘政。藉名參戰。征服國民。卒演成兩年以來傷心慘目之慘史。台端痛心外患之交迫。其所以如此之日危一日者。果孰使之而孰致之耶。他人之伺隙觀釁者。猶復暗中挑撥。使同盟之人。操戈相向。糾紛不讓。誠如尊論。但回潮六年政變之後。高築數萬萬之債臺。締結不可告人之秘約。斯送無量數之權利。受人挑撥。殘害同盟者。果誰何也。台端歎息時艱。不覺思及辛亥革命之先烈。辛亥先烈。流無數熱血。以成此民國。而民國之組織。今日惟在國人所護之臨時約法。吾人苟不忘昔日殺身流血。這成民國之賢豪。惟有對於組織國家之國法。矢志行其愛護維持之道。毋令強暴之徒。異日再加以破壞可矣。尊電謂謀統一以救危亡。誠是誠是。今日之國中。孰敢倡言永不統一者。但以國法求統一。不言統一而自致。以強權求統一。日言統一而分崩日甚。觀夫約法安全時代。南北一家。約法破壞時代。南北對峙。可以見矣。唐總代表所提八條。衡以中外輿情。並無過當之處。乃北廷代表。竟不加討論。悍然而去。南中代表。坐候滬江。至於數月。舉國望和。迫不得已。乃以國民公仇之王揖唐爲總代表。陷議和於不可能之勢。今唐總代表雖請辭職。

軍府專員往留。但求北庭反省。不忍輕言破裂。所謂謀和誠意。果孰有而孰無耶。總之南中以議和謀光復法紀。北庭假議和以欺罔中外。長此遷延。橫生枝節。當必有尸其咎者矣。岑春煊伍廷芳唐繼堯陸榮廷林葆懌孫文東印。

●致各商會各報館通告張學濟禍民開釁之罪狀

北京總商會、日報、時報、益世報、順天時報、公言報、上海總商會、申報、新申報、時報、天津總商會、益世報、漢口總商會、新聞報、中西報、國民新聞報、國民新報、均鑒。吾國不幸。戰禍頻仍。玉祥念時局之艱危。病民生之凋敝。祈求和平。數月於茲。此次常遭告急。奉命來援。原期本我初心。不戰而定。詎於初抵津市之日。卽有安鄉遭縣臨澧南縣四屬紳商政官各界公民數千人。環跪於道。喊控湘西護國軍僞總司令張學濟勒捐騷擾。姦淫擄掠。經過情形。並呈遞印刷物一紙。數述張學濟種種罪狀。其文曰。張學濟者。名稱司令。實爲暴客。衆號數千。純屬烏合。由辰東下。沿途騷擾。所過爲墟。莫不歎恨吞聲。而無可如何。尤可恨者在

常購買銅版機器。隨營印刷偽票。到處使用。各埠商民。受害匪淺。其前部第二營長張桓元。爲害尤烈。初本無賴市痞。因濟得受軍官。一旦執鎗佩刀。罔知高天厚地。加以護身有符。敢行驕縱。無惡不作。慣逞橫蠻。此次濟營駐紮津市。委任楊君南材。設立兵站部於安鄉。就我附近十縣。籌辦軍糧。支應濟軍。楊一片熱忱。毀家紓難。辦理兵站。并未領款分文。濟惟責楊供給糧米。亦未給價分文。地方週知。綜計前後供輸米價。及運解各費。一萬一千四百七十串。後復募送軍米四百五十六石五斗。迭經楊列數佈告地方。籌集之勞。供輸之鉅。雖楊善爲勸辦。要皆我一般人民之所負擔。然則地方與楊。對於濟軍。可謂盡忠投效矣。詎桓元遇敵卽潰。奔逃來站。六十營潰兵。亦陸續到安。楊恐妨害秩序。設法招撫。安邑人民。至視楊爲萬家生佛。倚爲安危。乃桓元惡賊。又向楊索款八千串。據稱作爲招集逃亡餉糈之用。楊知其蓄意不良。乃向安鄉商會及各親友籌商。貸款八千串。交給桓元。誰知餓虎饑鷹。擊饜莫飽。款既入手。竟縱其潰軍。

擾亂。先將兵站財物騾馬搶劫一空。并將在部職員威縛。除逼詐金錢外。更抄擄其家。以次搶掠商民。姦淫婦女。如安鄉南門蕭金廷之妻鄒氏。被亂兵姦逼。號呼廷救。亂兵將廷砍傷倒地。八人將鄒輪姦。又西門畢四姑亦強被輪姦。此其受禍最烈者也。其餘橫遭淫污。不詳姓氏。含忍難伸。不知凡幾。人心惶惶。非常驚懼時。楊奉濟急令星夜赴津。桓元既肆其威虐。反誣楊虧有巨款。懸示拿辦。希圖掩其劫奪之名。幸援鄂軍前部陳團長開赴安鄉。桓元聞風逃遁。所劫財物騾馬捆載而去。隨由某軍田總司令復委楊君恢復兵站。撫慰被難各家。人心始安。楊有何罪。地方何辜。同遭此無法無天之慘劫。濟與桓元忝爲將領。其名曰北伐。兵敗不自愧恥。反向本軍兵站逼詐不休。繼以劫搶姦淫擄掠。禍延地方。何物惡賊。盜匪不如。桓元甘心爲匪。不足惜。如張總司令名義何。張亦甘心爲匪。首不足惜。如南軍名義何。誠恐各處未得確情。特此詳爲宣告。俾衆週知。法權軍紀。請憑公斷。安鄉澧縣臨澧南縣紳商政學各界公民同啓云云。

慘無人道。不忍卒讀。且所部盡係烏合。此亦司令。彼亦司令。多則萬人。少則數千。攔權攘利。互不相容。此司令所部。可奪彼司令所部之鎗械。彼司令所部。可奪此司令所部之鎗械。姦盜邪淫。無惡不作。所至之處。雞犬一空。以此護法。於何有。以此護國。國其奚有。言念及此。誠堪痛心。然彼果能保守疆界。不相侵越。苟有一線和平之機。亦決不忍以兵戎相見。迺張學濟竟令所部周則范田。應詔林德軒馬希強等。乘我軍未集之際。突於十七號下午三點。分路進逼。瀧城。我軍守土有責。迫不得已。已於十八日早五點。開始進攻。現時正在激戰中。釁自彼開。非心所願。爲民請命。不知其他。謹用飛佈。惟國人實鑒察之。陸軍第十六混成旅旅長馮玉祥叩。巧印。

●致政府剖陳截留路款之苦衷

(銜略)職旅自篠日起。軍食已顆粒無存。業經電呈在案。至今分文未撥。全旅斷炊。軍心皇皇。伏思職旅官兵奉公守法。無愧於國。無愧於民。餉項積欠已十

閱月呼籲無靈束手待斃而他軍或月月四餉或積欠不多同是國軍豈得謂平以雇工論年關伊邇尙須給資軍人報國豈堪長此枵腹一旦激生事變族長萬死莫贖適有京漢路局由漢口解洋二十萬元赴京繳交通部於本晨過信已將此款暫行借用聊解倒懸之急迫而出此實非得已與其坐視危險曷若從權暫時以維現狀與其陷全旅官兵於罪戾曷若以旅長一身任其咎卽以此款暫發九年四五兩月份餉以維軍心伏乞矜鑒苦衷准將所借京漢路局之款二十萬元由中央發職旅餉項內扣還不勝叩禱之至（下畧）

●致各當道聲明豫軍藉端啓衅

（銜略）去歲職旅奉中央命令駐紮信陽礮山駐馬店等處原爲防湘三載官兵勞困大甚藉事休息乃自到信以來趙督軍受乃弟慫恿時懷猜疑本年二月十日駐紮駐馬店之毅軍與河南巡緝營因賭博衝突開火攻擊互有傷亡職旅駐馬店韓營長復急爲維持地方商民張紅十字旅冒險爲之調停地方

雖獲虛驚。未至蹂躪。事後探悉該兵衝突。係受趙倜指使。藉覘我軍情形。旅長爲避其猜疑。將韓營調駐確山。以冀諒解。日前職旅因中央欠餉十餘月之多。全旅斷炊。適固始解送省款一萬四千元。過信。旅長爲救眉急。電請趙督暫借此款一萬四千元。以維軍食。乃趙督不諒。愈滋疑慮。適河南陸軍第一旅及豫北巡緝全部。通電與趙督脫離關係。趙督竟疑及職旅留借解款。係與第一旅互通聲息。茲據確山張團長之江報稱。豫軍數營。假勦匪爲名。向確山我軍駐紮方面進攻。旅長爲正當防衛計。不得不派隊往堵。以求自衛而保地方。彼雖開鎗攻擊。我軍並未還鎗。特先電聞陸軍第十六混成旅旅長馮玉祥叩。巧印。

●致皖當道請查辦勒捐刈麥之駐軍

張督軍許省長馬幫辦殷鎮守使鑒。鄉人來言。皖北一帶駐軍。勒捐助餉。科派追呼。甚者輒將成熟之麥。割刈裁取等語。夫兵餉皆民血。脂不能衛民。反滋擾累。聞之深爲怪詫。皖北連歲災歎。餓殍遍地。久望麥收。藉資存活。復被強奪。哀

哉。溝瘡奚以爲生。諸公治軍治民。皖人倚賴。應如何嚴加禁止及體恤給償之處。伏望迅賜查辦。以解倒懸。無任待命。馮玉祥等叩歌。

●致陳樹藩通知飭部開駐潼關

西安督署伯生將軍勳鑒。敝部此次奉令開駐闕寶。隊伍行將到齊。前奉尊電。將軍將有東行。自當迎候。境上護送。行旌現奉吳使閻督命令。以潼關舊日駐軍。聞已他調。飭敝部開駐潼關。近接仁耕尙望。不時賜教。爲禱。旅長馮玉祥叩魚印。

●致各報館通告閻督出缺

各報館均鑒。陝省不幸。兵禍連年。疆土分裂。民生塗炭。閻督蒞陝後。本救國救民之心。抱息事寧人之旨。寬猛相濟。威惠兼施。巨匪郭堅。久稽顯戮。陝西人民。竄憤莫伸。閻督毅然正法。陝民咸慶更生。方幸陝局略定。統一可期。重整破碎。再造三秦。孰意天降奇凶。變出意外。半月以來。閻督因積勞之故。身體違和。仍

復夙夜治公。無間晷刻。遂致精神疲乏。飲食銳減。而中夜徬皇。關心民隱。陝省財政。竭蹶萬分。既不忍妄取諸民。又不忍久困軍士。兼之結束軍事。情狀複雜。閭督不願負國。不願負民。且不願負友。咄咄書空。積思成痼。痛國家之多難。憫百姓之流離。慨然謂身膺重寄。惟有誓死以報國民。左右雖信其言之誠。而不料其意之決。詎意於二十三日夜半就寢後。潛自仰藥殉國。比及黎明。侍從覺察。卽遍延中西醫士。百般救治。迄無效果。延至二十四日未刻出缺。由衣袋中檢出遺書。書我本願救國。救民恐不能統一。陝省無顏對三秦父老之誠。商民聞之。無不飲泣。所幸陝省現狀一切如常。深恐遠道傳聞不明真相。謹此電聞。師長馮玉祥等同叩印。

●致各報館通告接署陝事

各報館均鑒。奉國務院有電開。閻督出缺。奉大總統特任馮玉祥署陝西督軍。此令等因。聞命之下。惶悚無地。玉祥不學無術。忝綰軍符。時艱莫補。負咎已深。

閻督軍老成重望。尙因財政軍事之棘手。二十餘日夜不成寤。卒至身殉。玉祥何人。敢邀非分。業由玉祥電請政府。另簡賢能。並舉有功民國之張將軍紹曾。繼任陝西督軍在案。惟地方安危。關係綦重。不得不竭力維持。勉盡軍人之分。遵於本月二十七日接印署事。謹電奉聞。署陝西督軍馮玉祥叩。感印。

●致三原靖國軍聯絡感情

三原于總司令右任仁兄胡總指揮立生仁兄大鑒。閻督出缺。奉大總統令。特任馮玉祥署陝西督軍等因奉此。遵於本月二十七月接印視事。呈報中央在案。惟弟學識淺薄。隕越堪虞。素叨摯愛。尙望教言。時錫以匡不逮。爲盼。特電奉聞。弟馮玉祥叩。

●致參陸部報告在陝進攻敵軍之情形

(上畧)據第七師師長吳新田報稱。第十四旅劉旅長率所部自二十七日拂曉。分路進攻秦嶺之敵。敵約一團有餘。激戰至下午五時。敵始不支。向東南敗

退。我軍二十七團。遂佔據東河橋。二十八團將秦嶺完全克復。時因天晚。未便窮追。就陣地露營一夜。復於二十八日。率隊乘勢進攻。派第二十七團之兩營。向黃牛舖進攻。並令第二十八團之一營。由兆駒馬頭等處繞攻黃牛舖。分路夾攻。又派第二十七團之兩營。由驛口唐藏雙石鎮等處出發。以橫截鳳縣敵人後方之接濟等語。查秦嶺爲漢中第一重險要之處。幸經該旅官兵奮勇進擊。將敵擊退。現正乘勝追擊。又據報稱。頭鎮有敵軍兩營。土匪五六百人。包圍。敵軍兩營。已於二十九日。派第二十六團李團長率全部進攻。戰況續報（下畧）

●其一

（上畧）迭電諒達。頃據第七師師長吳新田報告。一、據第十四旅劉旅長報告。稱秦嶺敵軍。自職旅擊潰之後。約有敵軍一團之譜。向黃牛舖竄逃。我軍於儉日繼續追擊。向鳳縣方面進逼。以期掃除淨盡。二、敵軍詭詐多端。均恃天險。節

節設防。鳳縣以南之鳳嶺、留壩、之鷄頭關等處。均有敵軍扼險抗拒。堅築堡壘。派兵駐守。我軍不能隨便上去。須攻破一關。然後再進一關。三、鳳縣以南附近之敵。已添派援隊接應。約有一營之數。我軍於二十九日派二十六團之兩營。由黃牛舖向嘴頭鎮進擊。自早晨九時開始戰鬥。猛力進攻。並令二十七團之一部分。向嘴頭鎮協助第三支隊。由晁峪馬頭鎮兩處。繞西南方向敵人夾擊。以斷嘴頭鎮與鳳縣之聯絡。激戰至十一時之久。敵始不支。紛向東南山中潰敗。我軍現繼續仍向鳳縣追擊。四、據報敵已在鳳縣一帶。添派援隊五六營。推常仲昭爲總指揮。姚鎮乾、張金印爲副指揮。形勢日見緊急。請中央速籌餉械。源源接濟。何以發電多起。財政部非但毫無消息。而所欠之餉。亦置之不問。令人焦急萬狀。（下略）

●其二

（上畧）據吳師長新田報告。稱職師率隊追敵。於四日馳抵鳳縣。現正分撥所

部分三支隊進攻。(一)第一支隊二十七團於五日晨出發。由南天門經鳳留關向留壩進攻。並令右翼兩營亦於五日由雙石鎮出發。經張口石鐵爐川張公鎮向沔縣進攻。(二)第二支隊派左翼二營於五日出發。由河口鎮經江西營兩河口亦向留壩進攻。(三)第三支隊亦於同日出發。由嘴頭嶺經華陽鎮向洋縣進攻。並派兩營由江口向城固前進。現在敵軍大部均退駐鷄頭關。恃險設防。預備抵抗。師長定於六日由鳳縣率隊出發。前向留壩督率進擊等語。查敵軍現均退據雞頭關。負固死抗。除飭吳師長相機速進外。謹聞。(下畧)

●其四

(上略)據第十三旅長顧琢塘報稱。奉令率隊出發。二十八日午前抵仙姑附近地方。與敵軍張藩姜鴻模等部相遇。彼方恃衆憑險。先開戰軍射擊。激戰三小時。將敵擊潰。二十九三十兩日。行經將軍山老鼠嘴等處。均有敵軍設防迎戰。歷經我軍分路襲攻。紛紛敗走。本月三日行至距安康十餘里地方。又有

敵軍張飛生王紹堂等。憑河抵抗。勢極兇猛。旅長當即親率一軍。繞由漢水下游。潛渡夾擊。敵遂不支。均向平利一帶敗逃。是日下午四時。我軍遂將安康完全佔領。共計沿途先後五戰。擊斃敵兵九十餘名。生擒五十餘名。奪獲槍械軍用等品甚夥。除仍督飭所部乘勝追剿外。謹電奉聞。餘容續報。(下略)

●其五

(上略)據顧旅長琢塘馬電報稱。漢陰敵軍。自經職旅擊敗後。退至馬嶺。據險固守。而西鄉復開來援軍千餘。併力抗拒。我軍於芻日進攻。激戰終日。敵仍死守不退。復於馬日晨分路猛攻。至午後三時。敵始不支。紛紛向西鄉敗退。我軍遂將石泉完全佔領。是役擊斃敵人百餘名。生擒三十餘名。獲槍二十餘枝。及軍需品甚多等語。又據安康魏團長報稱。敵軍張藩勾結陳樹滋馬超羣王紹棠等各部。於二十日由流水店洛河平利等處。分路反攻安康。向我軍猛擊。經我軍悉力抵禦。激戰數小時。敵抵死不退。當一面抵禦。一面派隊分路繞擊。連

日相峙。激戰三日。夜敵勢漸漸不支。紛向平利嵐皋方面竄逃。是役我軍奮力抵抗。得將敵衆擊退。共斃敵軍二百餘名。生擒四十餘名。獲槍械子彈。旂幟等無算。我軍亦傷亡多人等語。除飭各軍嚴防追剿外。惟現在子彈缺乏。懇迅籌接濟。以便早收全功。(下略)

● 致院部請緩發表懲辦岳維峻之命令

(上略)江電散悉。旅長岳維峻。自由稱兵禍陝。亟應依法懲辦。奈因第七師現正進攻陝南。步步得手之時。若遽褫岳維峻旅長官職。誠恐渭北戰端一開。糜爛地方。牽動陝局。於陝南進行關係甚鉅。應請院部曲予優容。暫緩發表。不勝盼禱。(下略)

● 致院部請示機宜

(上略)郭匪餘黨盤踞岐鳳。現與孔部會剿。尙待尅期合圍。務期盡殲。以爲一勞永逸之計。頃據探報稱。陳樹藩一面積極籌備。反攻西安。一面勾通郭匪餘

黨四出竄擾。分我兵力。我軍欠餉已達一年。迭經呼籲。未蒙厚濟。現在郭匪一日不平。則陝北一日不能肅清。卽不能直搗漢中。爲根本恢復之計。應請中央迅速籌匯數十萬元。俾資應付。否則饑軍坐困。險象環生。心所謂危。難安緘默。祈卽指示機宜。(下略)

●其一

(上略)據探報陳樹藩派代表聯合川軍。由漢中北窺岐鳳。劉湘已允援助。接濟餉彈。現陳已赴城固准備等語。查郭堅餘黨盤據鳳翔。雖經聯合孔部圍剿。尙難尅日肅清。陝北叛兵勾結巨匪蕭振武。竄擾綏延。聲勢頗衆。雖經井使暨寧夏馬使、山西閻督會師合剿。亦未紓北顧之憂。陳部若倚川爲後援。以漢中爲根據。則陝南急難恢復。爲患滋大。除電曹使乞援外。應請速示機宜。(下略)

●致曹錕請寬免張飛生之罪

(銜畧)秦省軍隊。非統兵者自行編練而成。皆係收合之衆。不知服從。不受約

東張飛生勇武善戰。玉祥深愛其才。但其部下日肆搶擄。毫無顧忌。張亦無如之何。派兵解散。實逼處此。非得已也。惟因商民指控四十餘起。皆以縱兵殃民爲詞。不得不暫行羈押。稍平民忿。而確知飛生非樂其部下之擄掠也。特無力使之受範耳。兵之能爲國用。在遵守服從之義。陳氏督陝數年。軍政不綱。幾無一兵能守紀律。此皆陳氏之失德。非部下將領之罪。祥之羈押飛生。正預爲開脫之地。遠蒙明察。飭將張飛生送往保定。歸鈞憲安置。不獨飛生感恩無地。祥亦深感曲成也。謹遵電令。當卽派兵護送赴保。知關廛念。先電奉聞。馮玉祥叩。

● 致院部索餉

(銜署) 陝省財政困難萬分。連年兵匪交鬪。道路梗阻。商貨不通。稅收短絀。地方田賦。早已支借逾額。閭閻督焦。愁捐生此。爲一大原因。目下各師旅火食無款。應付驅飢卒。以臨陣危險。莫甚於此。伏望顧念陝局危難情形。先代借現款八十萬元。發二十師七師十一師第四混成旅兩個月餉。以維現狀。將來設法

歸還。息由陝出。倒懸之急。萬望矜恤。臨電迫切。無任惶悚待命之至。(下畧)

●其一

(銜畧)入陝各師旅。餉項久缺。兵食維艱情形。迭經電部在案。十一年陝省田賦。早經陳樹藩提用淨盡。西路交通尙阻。稅收短絀。兵匪蹂躪數年。地方凋敝。已極。挖肉補瘡。無肉可挖。危險情況。當爲中央所深悉。務懇體念饑兵餓卒。迅賜籌撥餉款百十萬元。以解倒懸。不勝翹盼待命之至。(下畧)

●其二

(銜畧)陝省財政。困難萬狀。疊經電稟在案。頃得探報。陳樹藩反攻長安。已見動作。而勾結岐鳳之郭堅餘黨。暗來關中。腹部各地。有事則起。而內應。無事則乘間竊掠。擾害閭閻。純以土匪行爲。使陝境永無甯息。爲主義。我軍餉費全無。兵有饑色。派兵剿辦。動則用款。坐視擾亂。爲害匪淺。陝匪不能早日肅清。則陝局不能早日統一。陝局一日不統一。則財政愈難整理。財匱匪衆。民困兵饑。其

危。險。有。不。堪。設。想。者。切。盼。眷。念。陝。局。之。危。急。迅。籌。數。十。萬。餉。費。以。救。目。前。之。困。先。清。郭。部。之。匪。無。使。滋。蔓。以。爲。陳。逆。利。用。之。資。腹。部。之。匪。廓。清。用。全。力。以。直。搗。漢。中。陝。省。前。途。庶。幾。有。多。總。之。陝。省。財。政。久。已。羅。掘。俱。窮。我。軍。兵。士。年。餘。無。餉。夙。夜。焦。思。其。危。險。重。大。莫。過。於。此。萬。請。迅。速。設。法。維。持。以。救。倒。懸。不。勝。盼。切。待。命。之。至。(下略)

●其四

(銜略)陝省兵餉缺乏。士卒枵腹。各將領奔走撫慰。日無暇晷。陳樹藩退居漢中。正謀北進。軍事吃緊之際。軍中有絕糧之憂。此軍事之可危者一。省垣金融恐慌。達於極點。富秦銀票。每兩只合大洋八角。猶復日日低落。錢行數百餘家。一律感受困難。銀根愈行緊迫。漢中榆林兩屬之三十餘縣。除附近省垣十餘縣外。其餘各縣。縱有少數收入。早爲該縣駐軍撥用。我軍餉項。遂致籌無處籌。借無處借。此財政之可危者二。陝省大亂連年。元氣斷喪殆盡。喘息未定。瘡痍。

未復加以各方軍隊星羅棋布。偶有開拔。調遣車馬。取之於民。糧秣。取之於民。一切軍中所需零星物件。無一不取之於民。其他冰雹地震水災盜賊之害。層見疊出。嗟哉秦民。誰能堪此。此人心之可危者。三綜茲數端。均屬目前險狀。維持補救。刻不容緩。伏望迅速籌撥鉅款。以解眉急。急不擇言。伏維諒察。臨電悚惶。無任盼禱。(下略)

●致政府力辭陝督

(銜略)陝省兵匪蹂躪數年於茲。變亂相尋。民不堪命。撫此子遺。舍休養生息。外無他道也。然欲求休養生息之道。非先靖匪氛不可。玉祥到陝以來。即以清匪安民爲職志。蓋非此不足以救陝。閩前督坐鎮省垣。玉祥得率所部實行除暴。以靖亂源。不意閩前督感於軍事財政困難。憤志以終。遣此鉅艱。委諸不才。在當時事起倉卒。誠恐省垣人心不定。故奮不顧身。由咸陽馳往長安。暫維秩序。公誼私情。自問殊難退避。至封疆重寄。非學識宏通之大員。斷難勝任。祥本

武人不學無術。半生戎馬。終日與士卒爲伍。性相近也。亦分所宜也。政府統馭全國。封疆大吏得人何患。國家之不治。祥則非其才也。以祥督陝。譬猶驅騫於桀。顛墜立見。祥縱不足惜。其如陝局何。政府如欲平定陝局。伏望查照前電。迅選賢能。接替督篆。俾祥得馳驅行陣。以盡才力。而報國家。祥現仍募營。以備一日有事。躬率士卒以前驅也。耿耿愚忱。伏乞垂察。臨電不勝悚惶待命之至。(下略)

●致曹錕吳佩孚請轉電政府簡員接替

保定巡閱使岳州兩湖巡閱使鈞鑒。安密頃上大總統國務院陸軍部一電文。曰「見上」玉祥之意。純爲早定陝局起見。知祥如鈞憲。伏望鑒此苦衷。轉電政府。早日簡員接替。不勝叩禱。馮玉祥叩文。

附曹錕覆電

西安馮督軍煥章弟鑒。安密文電。函悉。陝局困難。諸多棘手。懇鉅躬膺。匪異人任。惟我弟聲威素著。誠

信交孚。中央隆以倚畀。軍民僉相推戴。允堪付此重任。爲國事計。爲民生計。我弟愛民愛國之熱誠。當不忍始成終棄。視陝局變遷。如昔而不顧。無論如何。爲難總望極力維持。貫徹我輩維持大局之旨。切勿自事謙退。如有爲難之處。兄無不竭力代爲籌劃。我弟義氣深重。萬望勉任艱鉅。千萬勿萌退志。至盼至禱。兄曹錕印。

●致政府報告禁烟情形

爲呈報會同查勘大員辦理禁烟情形。仰祈鈞鑒。竊維禁烟一事。關係內政外交。至爲重要。上年七月奉令特派宋聯奎爲陝西查勘烟禁大員。十一月復奉明令。責成各該管軍民長官督飭所屬凜遵。歷次命令。振刷精神。認真辦理。並着查勘禁烟大員實地履勘。切實糾察。同負其責等因。仰見我大總統注重烟禁之至意。欽悚莫名。查陝省對於烟禁。向取嚴厲主義。比年以來。雖屬戎馬倥傯。地方不靖。而禁烟要政。依然積極進行。未敢稍形鬆懈。上年七八月間。早經撰擬佈告。會同出示嚴禁。並令飭各縣。如有偷種情事。立即從嚴究辦。決不

寬假。及宋大員蒞陝以後。復經剴切佈告。雙方派委多員。分途履勘。窮鄉僻壤。搜查無遺。所有查竣各縣。均經知事及駐在軍官。出具肅清印結。彙送宋大員轉呈在案。惟其時漢中道所屬各縣。潰兵竄擾。河北靖國軍分駐區域。適當改編。未能完全履勘。現在漢南已次第克復。靖軍漸編制就緒。業飭各縣會同駐軍切實查禁。用竟全功。總之禁烟要政。內係國家之強弱。外關鄰封之信用。玉祥鎮華忝膺疆寄。責有攸歸。決不敢稍事姑容。貽人口實。仍當隨時督飭各屬。嚴切查禁。務絕根株。以紓大總統西顧之憂。而副各友邦屬望之意。所有會同查勘大員辦理禁烟情形。理合呈報鈞鑒。伏乞訓示。祇遵。(下略)

●致各報館認籌膠濟路款

各報館均鑒。膠濟路案。關係國家存亡。旬日以來。各省仗義力爭。舌焦唇敝。要以籌款贖回爲唯一主張。茲准齊督王省長銑電。對於籌款簡章。籌慮精詳。又准田督巧電。擔任贖款三百萬元。熱誠義舉。欽佩同深。惟玉祥等竊有進者。此

項路案問題固爲我國國脈存亡關係而贖路問題實爲我國人格存亡關係。蓋贖款既鉅籌集維艱凡具國民之資格同負籌款之義務若空言號呼而無毅力以繼其後時過境遷熱度頓減華會閉幕時機卽逝國權既喪人格何存。歷觀梁氏徵效各電措辭矛盾固無足辯惟以贖回自辦爲最後主張不知者以爲迎合心理其知者以爲別有陰謀。梁氏雄有賞產善於壟斷彼以我國民窮財困有熱忱而無實力始則以籌款相炫以措其心繼則以無款相誘以折其氣終乃以必出借款之一途以濟其欲而售其好是直視我國民爲無人格之民大恥奇辱莫此爲甚。玉祥等職膺疆寄分屬國民陝省連年災祲財源久枯但念痛莫過於亡國悲莫大於心死寧可玉碎不爲瓦全與其臨淵不結網爰卽共集公私各法團剴切籌議本增進人格之決心達籌款贖路之目的。毀家紓難萬衆一心當經議定陝西全省擔任二百萬元雖地瘠民貧蚊蟲無負山之力而沉舟破釜精衛有填海之忱所望達人君子急起直追速集

鉅款共保路權。當千鈞一髮之時。奏衆擎易舉之效。藉以見我國民良心未死。人格猶存。庶足戢強鄰覬覦之心。策友邦贊助之意。壯代表之胆。而作其後盾。塞奸人之口。而破其陰謀。尤一舉而數善備焉。我大總統謀國之忠。與諸公見義之勇。百倍下走。尙乞大力兼籌。羣謀共策。主權力挽。厚幸莫名。謹摭愚忱。諸候明教。(下略)

●致各報館主張根本取銷鹽餘公債

各報館均鑒。讀吳巡閱使效號兩電。藉悉鹽餘借款黑幕繁稠。財政當局心計之工。手段之辣。至於此極。值危急存亡之交。而訂此大宗借約。內而閣議。外而人民。以及各省疆吏。均皆視若羣盲。遮以一手。上蔽主座。下塞羣聽。究其所公開者。借款條例而已。某某銀行款數而已。試問此七千餘萬借款用途。若何。合同全文。若何。又皆諱莫如深。藏之於密。不揣其本。而齊其末。恐此端一啓。但欲營私。即可續借。借後循例。依樣公開。則公開之美名。轉成萬惡。恐經數次之公

開立致破產矣。且彼所自解者不過曰折成總數減輕利率。然則未定債券以前數爲七千餘萬。既訂債券以後增至九千餘萬。名爲減五七釐之息率。實則加二千萬之債。本其担負之何輕何重。不問自明。矧此一千四百萬債券。大由京陸交通。獨擅其利。均爲某當局所夥開。一方以行政資格爲債務。一方以私人資格爲債權。攘奪一時計權之樞機。取得個人永久之富厚。詰責由人唾罵。由人而飽得其實惠。以去其他利息。回扣匯水等名目。馬克法郎日金呂耳諸化名牽纏繞折一網無餘。且近畿軍餉海軍的款均經閣議決定。悉仰指鹽餘而彼則用以抵債。閣予之而部奪之。縱令發生意外影響治安動搖根本。而不恤是可忍孰不可忍。眞令人不寒而慄。近聞該部公布之支出款項已經某機關查明實未收領。入校教育經費準備担保證券二百萬元。迄今並未成立。入校代表亦擬提出質問。各報紛載必非無因。卽就彼所公布而論。破綻亦多。大總統視聽自民。諸公血誠愛國。倘財政當局不能按照吳巡閱使效電將重重

黑幕一律宣布。應請將鹽餘公債根本取銷。仍一面查照浙省。盧督軍沈省長所發表真正公開辦法。趕速組織。示全國人民。以大信。則神奸褻魄。劫運可回。中國前途。庶其有多。謹貢愚誠。諸希垂察。馮玉祥敬印。

●致各報館請一致聲討梁士詒

(上略)准齊督軍王省長養電。梁氏對於鹽餘借款業已簽字。以開放鹽引管理。緝私爲條件。閱電憤激。目眦欲裂。梁氏把持揆席。攘奪權利。誓欲將璀璨陸離之中華民國國權財權。於此最短促時間中。喪失盡淨。途窮日暮。逆施倒行。九千萬借款不成。更從事於七百萬庫券計畫。因銀行不信任之結果。發生洋會辦之簽字擔保。因洋會辦之簽字擔保。締結最嚴厲最苛刻之條件。緝私長官由中外合派。交款回扣減至六八五。鹽引從此混淆。民生從此凋敝。緝捕之權拱手而授之外人。後患實不堪思議。最足駭人聽聞者。梁氏更擬於七百萬以外再加五百萬。似此破壞手段。不斷送二十二行省各特別區。使全國數萬

萬人同歸於盡不止。玉祥等既經宣示脫離誤國內閣。該梁氏一切行爲當然無效。微聞彼方邀求政府。有以明令公佈條件之說。應請我大總統力予罷斥。我各省疆吏及愛國人民。一意主張設梁氏追挾元首使政令不能自由。應即共同爲國前驅戮力討賊。斷不容神奸巨蠹竊社憑城。致全國陷於萬劫不復之慘。害履及劍及佇候明教。(下略)

●致財部請速打消九六公債

北京財部張總長鑒。竊聞立國之道。首重民生。民生不遂。卽召亂亡。我國以借債爲政策。人民之擔負日重。財用之困乏益甚。時至今日。民不聊生。若巧取民財以求苟且圖生之計。是自殺也。是速亡也。我公重掌財政以來。當益知國家之困難。知從前借債之非計。力圖挽救。爲國民留有餘力。培養國脈。以自保身家。乃聞有舉辦九千六百萬鹽餘公債之議。不禁爲國家危。爲人民痛。惟借債不可以立國。盡人而知。我國因借債之故。抵押關稅。關稅有餘。是抵押尙未

淨盡。若指定關餘。復舉鉅債。是何異牛山之木。斧斤伐之。牛羊又從而牧之乎。且關稅自主。我代表壇坫力爭。口血未乾。又以關餘作抵。舉此鉅債。何以昭信於友邦。擔負償還。此公債者。仍是全國國民。非財政總長也。爲國家經理財政之公僕。當然取國民之同意。萬不宜獨自爲政。作此秘密之行動。以欺國家。以虐人民。請速打消此議。以免惹國民之反對。玉祥忝負保國衛民之責。不得不進此忠告。促我公之覺悟。凜民意之難欺。區區愚忱。諸希明教。署陝西督軍馮玉祥叩。佳。

●致董康勸其嚴查財弊

司法部董總長鑒。九六公債。關係國家命脈。人民生死。至大且鉅。我公前拜委員會長之命。玉祥等驩忻鼓舞。慶幸累日。蓋宿弊從此廓清。官方從此整飭。固舍公而莫屬。亦千載之一時。是以會電專陳。諒已鑒照。茲讀來電。方清查伊始。已廉得張總長提取一千五百萬之多。詢問則語多歧異。檢舉則跡已遠颺。而

復收買報紙。以淆亂聽聞。藉口法律。以顛倒黑白。我公抱定宗旨。不事姑容。法執如山。面冷於鐵。以懲治貪黷。爲職志。以躋進康樂。爲宿心。丹忱爲國。薄海同欽。官吏犯賊。治罪法爲中國。回生起死。良藥我公。長大理院時。一經引用。風聲所樹。震撼一時。現時雖以條例施行。根本上並不弱於法律。該條例詞旨渾括。引伸臆舉。以促成法院之注意。既不越條例範圍。當然視爲正當。卽以刑法而論。自九年十月。我公擬定科刑標準條例。斟酌新舊。一劑於平。年餘以來。糾正既多。保障益力。犯賊條例之臆舉。卽科刑標準之設施。斷不容飛短流長。妄肆蜚語。如謂法律不經國會。卽屬乖遠。然當新舊遞嬗之會。無命令以代法律之窮。則殺人可無罪。盜賊可自由。社會國家。賴何維持。漢高約法三章。爲歷代刑律之祖。民國成立。已逾十稔。試問全部刑律國會。何日詳細討論。且元年肇造之日。卽以命令先予頒行。更復從何指摘。新刑法也。預算亦法律也。財政部支出之濫。張總長經手之開銷。有一循法律軌道乎。以彼之矛刺彼之盾。

其又何辭。最近瑞士刑法。多設專條。臚舉德國仿效之。其規定尤詳。蓋卽中國數千年來律例。並重之意。若輩不諳古今。不識中外。賄以鉅金。捏以違法。我公貫澈初衷。洞明法律。固知決不爲所搖動也。（下略）

●致華洋義振會及各慈善團乞振

華洋義振會。申報館。並轉各慈善團均鑒。頃據陝南振災會會長劉定向鍾允諧等文電稱。天禍秦民。漢南最烈。庚申辛酉。旱澇頻仍。田廬爲墟。餓殍載道。入時雨雪仍稀。青黃不繼。農無粒種。商絕市廛。如鳳留甯畧等二十餘縣。斗米萬錢。百里數戶。樹皮草根。剝掘俱盡。甚至父母自食其子。妻女賤鬻於人。慘目傷心。前所未有。調查災民。數逾百萬。尙望鼎刀宏施。拯茲哀鴻等情。查陝省災浸連年。民困已極。漢南一帶。此次重經兵燹。潰軍竄擾。十室九空。秦民何辜。罹茲慘劫。雖蒙中央酌撥振款。奈杯水車薪。博濟爲難。憫茲子遺。憂心如搗。現正設法籌辦。急振而庫空如洗。倉儲久虛。用伸將伯之呼。藉作拯救之計。務望義彙

仁粟。惠澤普施。豈惟三輔災黎。同深感戴。玉祥等亦奉揚仁風於無既矣。掬誠呼籲。貯候德音。無任盼禱。(下畧)

●其二

華洋義振會女界義振會盛莊太夫人廣仁堂盛澤臣先生申報館並轉各慈善團均鑒。前據陝南振災會文電稱。漢南災情奇重。待振孔殷。業於馬日分電懇請廣爲施助在案。嗣據該會先後來電。略稱陝南荒涼徧地。十室九空。其被災尤重者。如鳳留甯畧石紫安白等縣。災民非急振莫生者。百三十餘萬。僅延殘喘者。六七十萬。且近來因餓而生。脚廢疾頃刻斃命者。日有所聞。甚至投井投繯以自斃。鬻子鬻女以求生。言之痛心。聞者酸鼻。尤望甘露宏施。拯茲窮黎等語。查漢南各屬。災患頻仍。民困財竭。由來已久。入春以後。雨澤愆期。禾苗半就枯槁。疫癘因之流行。憫茲子遺。重罹浩劫。迭經電飭該會趕辦急振。無如款項奇絀。博濟爲難。用敢縷陳鄭圖之慘。再伸將伯之呼。務望速沛仁漿。廣爲勸

募助災區之急。拯垂斃之餘生。三秦災黎。同深感戴。合電再懇。無任盼禱。
(下畧)

●致各報館痛斥張作霖袒護帝孽

各報館均鑒。共和成立。締造艱難。志士頭顱。英豪腥血。言之至爲傷心。乃十年以來。紛亂未已。揆其致亂之因。一由於項城醉心帝制。洪憲稱尊。一由於張勳奴性未除。大辯復辟。蔡松坡滇池起義。段合肥馬廠誓師。兩次喋血。千古同慨。國家之奇恥大辱。莫過於變更國體。背叛共和。非第糜爛全國。貽笑鄰邦已也。此次奉軍無端入關。甘冒不韙。以國家爲前提。耶抑以個人之黨見爲主旨。耶。國內識時之士。當可不言而喻。夫張勳復辟之罪。魁國人。不齒而張作霖引爲腹心。屢請起用。梁士詒帝制禍首。甘心賣國。而張作霖通電袒護。爲之作僂迹。其舉動。帝制行將復活。祥等廁身戎行。頗知護國之義。此次率師出關。將以共和國之軍人。與帝制派之軍閥宣戰。若視爲奉直之關係。而坐視成敗。則帝孽

猖狂。國亡。無日。區區。愚忱。以爲。我輩。若任。帝制。復活。苟且。求生。何如。爲共。和效。死。以慰。國人。以作。兵氣。赴湯。蹈火。所不。敢辭。臨電。無任。憤慨。諸希。明察。（下略）

● 致各當道通告率兵出關

（銜畧）國內紛亂。於茲十年。民窮財盡。元氣大傷。全國人民。已陷於水深火熱之中。何忍使垂危之黎庶。痛遭糜爛。乃忽爾增兵。徧布於京漢津浦兩路線之間。興無名之師。以破壞大局。帝制遺孽。行將動搖。國體野心不死。民命何堪。玉祥奉命督隊赴援。向洛陽方面集中。隨曹吳兩使之後。進討國賊。業將所部十一師全部。暨中央第四混成旅。陝西暫編第一師及第一第二兩混成旅。及督署衛隊各部。整備完竣。於本月十九日開拔出關。所有省中治安。已託劉省長鎮華維持矣。特電奉達。諸希鑒察。馮玉祥叩巧印。

● 致豫趙督通知率部進駐鄭洛

（上畧）玉祥奉命率所部十一師全部。中央第四混成旅。陝西第二第四兩混

成旅進駐鄭洛一帶。預備填防。已於本日開始出發。吾輩誼屬同舟。值此時事多艱。患難與共。義不容辭。特電奉聞。(下略)

● 致各報館通告就援直陝軍總司令職

各報館均鑒。奉張稱兵。幾補危及國家。玉祥奉令率隊出關。於今日午後七時。各部隊先後到達洛陽。玉祥即於今日就援直陝軍總司令之職。特電奉聞。鵠候明教。馮玉祥宥。

● 致開封商會請籌糧秣

開封商會公鑒。趙傑夜襲鄭州。蹂躪桑梓。敵軍爲自衛計。爲國家人民計。不得不爲相當之對待。所幸我各軍義憤填胸。猛勇異常。已於本月十日攻克中牟。日內直抵開封。唯敵軍由陝來豫。已達三萬餘人。又直隸派來之第十五混成旅及第三補充團。湖北派來之二十一混成旅。原駐河南一帶之第八混成旅。第二十四師之四十七旅。統計各軍不下五萬餘人。大軍雲集。糧秣爲先。誠恐

倉卒難辦。有誤軍食。茲特先行電知。希貴會速籌大宗糧秣。以資接濟。敵軍所到之處。向皆公平交易。萬勿稍事推諉。致誤戎機。切要切盼。（下畧）

●致各報館通告趙倜反覆之罪狀

各報館均鑒。自共和軍與帝黨馬賊開釁以來。豫省表示與我一致。我軍出關。迭經派員接洽。事事推誠。方期患難相救。同舟共濟。不意趙督密蓄陰謀。口蜜腹劍。竟乘我軍多數開赴前方。觀我兵力單弱。突於魚日早。密派大部隊。襲攻鄭州。破壞鐵路。幸經我駐鄭第八混成旅第二十二旅第四十七旅及早發覺。協力防禦。鏖戰一晝夜之久。業經全數擊退。鄭防得安。似此甘心附賊賣友。求逞居心。鬼域神人。不容現正集合陝軍第一師第一混成旅第二混成旅第四混成旅第三師第五旅鎮嵩軍第三路。會同我駐鄭軍隊。尅日進剿。誓當一鼓盪平。殲除叛黨。俾天下咸知。順逆所在。反覆之不足。以自存也。謹電奉聞。馮玉祥 謹印。

●致各報館宣布豫變之顛末

各報館均鑒。玉祥率師出陝。赴援京畿。曾於上月十九日開拔之始。通電各省。迭奉曹吳兩巡閱使電。調祥部十一師及中央第四混成旅。並陝西第一師各部。趕速開進。玉祥星夜兼程。於上月二十六日到洛。所部隊伍。尙未同時集中。而吳巡閱使因前方吃緊。先於二十五日赴保。留祥代表行副使職權。指揮後方各部。其時中央第四混成旅隊伍。分駐鄭縣一帶。三十號。奉曹吳二巡閱使電。調十一師之二十一旅及第四混成旅。開赴保定鄭縣一帶。暫以張之江所部二十二旅填駐。該旅駐鄭。僅有兩營。餘部分駐汜水滎陽鞏縣。聽候調遣。本月五號。奉曹巡閱使電。張之江旅。火速開來保定。正在準備出發之際。而是夜七點鐘。趙傑率所部襲攻鄭縣。倉猝應戰。該旅及駐鄭之第四混成旅與四十七旅官兵。傷亡甚多。玉祥得電後。當率十一師在洛各部。馳往救援。陝西第一師隊伍。亦陸續開到。與趙部在鄭縣迤東地方。激戰數晝夜。於本日午後。趙部

始陸續潰退。向開封方面竄去。此趙部攻擊我軍數日以來之情形也。惟玉祥奉令援直。中途被趙部截阻。隊伍既牽制不能赴保。官兵又傷亡甚衆。平地風波頓遭一劫。雖幸鄭城保全。未遭糜爛。而人民所受驚恐已屬不小。本同袍澤無端相殘。官兵何辜。人民何辜。目睹慘狀。有淚難揮。然趙部雖退。是否別有陰謀。能否不再反攻。刻下尙難斷定。爲地方計。爲自衛計。不得不嚴裝警備。如臨大敵。然趙不反攻。我軍亦決不進擊。諸公愛國愛民。是非曲直。當必能辨。惟望主持公道。解此紛亂。除電請曹吳兩巡閱使聽候解決辦理外。特電公布。諸希明察。援直陝軍總司令馮玉祥叩。蒸。

附豫西旅京同鄉會電文

各報館各商會均鑒。趙偶兄弟陰結翫匪。圖謀破壞。稱兵搆亂。蹂躪豫方。實屬罪大惡極。法無可追。乃信口雌黃。對於吳使馮督。橫加誣蔑。吳使駐節洛陽。與潤等里居相近。見開較切。自第三師駐洛以來。軍紀森嚴。民間一草一木。秋毫無犯。市廛不驚。回憶張敬堯部及西北軍之奸淫擄掠。不啻脫虎口而

獲母。馮督軍隊自去歲入關。今茲來歸。經過豫西地方。整齊嚴肅。軍紀爲各軍冠。乃趙倜通電。不惜血口噴誣。所謂干涉司法行政。勒款槍斃人民及軍隊。擾諸節。皆不啻趙氏爲其自身盡供。趙倜竊位於今八年。陰毒險狠。貪黷無厭。河南爲未經破壞之省分。財政本可自給。趙氏悉括所入。飽其私囊。除加增稅捐。苛征錢糧外。如私鑄銅元。濫發紙幣。巧立查禁毒品名目。私借齊魯銀行借款。皆不入預算。不列報銷。趙氏八年私蓄。當不下數千萬。而公家虧累。稱是田賦。徃至民國十二年。而猶不足。繼任者何以爲計。欲搜括所得。悉盡涸涸。急應將款截留。嚴追贖款。以補公虧。趙知民怨沸騰。輿論不容。乃奪民間保衛團槍械。設立巡緝營。徧布爪牙。騷擾郡邑。又復扶植土匪。給予委劄。供其槍彈。以作聲援。以故盜賊徧地。全豫無乾淨土。急應裁撤巡緝營。大舉清鄉。使子遺人民。得以出水火而登衽席。除將電曹吳兩使馮督。請予核辦外。特此奉布。頃聞趙倜趙傑有潛逃之說。伏祈各省軍民長官。爲河南三千萬人民。截拿此賊。不勝呼籲迫切之至。豫西旅京同鄉會二百五十六人叩。

致府院婉辭豫督

大總統國務院鈞鑒。奉大總統令。特任馮玉祥爲河南督軍。此令等因。聞命之

下惶悚莫名。玉祥列身戎行。愧無建樹。過蒙拔擢。委任疆圻。自顧菲材。深慙負咎。祥本武人。未嘗學問。督軍一席。乃非老成持重者。不克勝任。稍有貽誤。反累睿明。國家多難。正玉祥效命疆場之日。伏懇收回成命。另簡賢能。俾祥專心練兵。以供驅策。愚忱耿耿。伏乞矜鑒。臨電不勝悚惶待命之至。馮玉祥叩。

●致府院請維持張鳳臺

北京大總統國務院鈞鑒。咸密。河南省長張鳳台。老成碩學。長豫以來。能持大體。此次趙氏狡變。處於積威之下。曲全守土之責。公論在人。非敢遽湮。頃接來函。據稱業經電請辭職在案。竊念豫省大亂粗戢。尙未一律救平。地方事宜。端賴得人。伏望俯念豫省人民水深火熱。撫綏安輯。仰仗熟手。萬勿准其辭職。以慰民望。臨電迫切。不勝叩禱待命之至。河南督軍馮玉祥叩。號印。

●致各報館主張恢復國會

各報館均鑒。民主國家。以憲法爲根本。憲法不完。人無適從。十年以來。國是糾

紛橫流塞決者。皆由於此。追懷往事。可爲寒心。總統爲一國之元首。忽起而帝制自爲。疆吏乃衛國之長城。效尤而稱兵復辟。遂致依法成立之國會。橫被解散。五族共和之國家。自相分裂。內政不修。禍患頻仍。攘利爭權。迄無寧歲。莊嚴燦爛之民國。河山破碎。幾無淨土。無統一能力之論調。遂見護於海外之友邦。夫國家不能統一。何以存在。然欲謀真正之統一。非根本解決之。不可恢復。國會完成憲法。使一切有所依據。非常者歸於常。非法者納於法。異志潛消。爭端無自而起矣。獨是玉祥有不能已於言者。恢復國會之聲浪。不自今始。而數年未底於成者。總不出對人問題之障礙。此次恢復國會。深願破除成見。相見以誠。當日之主解散者。固不必抱今是昨非之想。而類近狐埋狐搯也。當日之被解散者。亦正宜存克己省身之念。不必較誰曲誰直也。試思我全國之父老昆弟。日陷於水深火熱之中。孰貽伊戚。誰爲厲階。皆當有悔禍引咎之心。以國家爲前提。往者不可諫。來者猶可追。失今不圖。耽耽者。大有人在。也能令我長此。

糾紛乎。曹吳兩使常局之辦法。宜昌孫總司令。刪日通電之主張。殆有見於數年以來國內紛亂。莫衷一是。快刀斬亂絲。准有召集第一屆國會。速行解決。各項問題。以維法統爲惟一救國之策。故玉祥之愚竊以爲事貴當機立斷。萬不可因循貽誤。國會本法定機關。議員乃人民代表。既欲尊重民意。當然召集國會。不待再計。決也。伏願我國在位在野之鉅公名流。一致主張。以促進行。以定國是。諸公愛國。尙祈有以教之。河南督軍馮玉祥叩世印。

●致第一屆議員奉賀召集開會

天津第一屆國會籌備處議員諸公均鑒。共和國家以人民爲主體。代表民意。惟國會是賴。國會失效。法紀蕩然。十年以來。淪胥將盡。天心厭亂。障礙剪除。恢復法統。正在此時。今幸第一屆國會乘時召集。統一希望。在此一舉。惟願棄舊日之爭執。及不守時刻之惡習。合全力以進行。守根本之大法。納人民於軌。物全國之父老昆弟。當共拜諸公之賜矣。爲國稱慶。謹電奉賀。馮玉祥叩東印。

●致各報館聲明閣員之賀電

各報館均鑒。新內閣於微日發表全體閣員。祥適在豫東勦匪。當由本署秘書處公電致賀。此係一種照例文章。其中並無若何親善。乃京報竟專載賀農商部一電。其他賀電概付闕如。似乎祥與盧君素稱相識。不知祥於盧君素未謀面。京報如此登載。恐有他項用意。意外間不明真相。特電申明。務祈鑒察。馮玉祥

●致伍秩庸勸其北來

廣州伍秩庸先生勛鑒。國家糾紛。法統失序。數年擾攘。民不聊生。黃陂復位。國會重建。納民軌物。正在此時。先生法界泰斗。國人普仰。既達護法之目的。亟圖拯民之宏願。萬望推博愛之仁。與民更始。揮快利之刀。立斬亂麻。不追既往之是非。法律之障礙。自除。先謀國家之統一。人民之倒懸。立解。所謂以前種種譬如昨日死。以後種種譬如今日生。先生胞與。爲懷吳巡閱使。披瀝電約。尙望欣

然命駕北來國內豪俊必將馬首是瞻也。玉祥武人出言慙直。然情殷救國。急盼賢旌。統希諒察。並候明教。馮玉祥叩寒印。

●致各報館反對聯省會議

各報館均鑒。頃覆南康沈總司令一電。文曰。讀嘯日通電。義正辭嚴。不禁令人感奮交集。夫國會爲全國立法最高機關。原以保障人權。尊崇國法。乃上海復又提倡聯省會議。將置國會於何地。使以國會爲非法。前此既解散矣。何必護之於先。使以國會爲合法。今茲既恢復矣。奚又陷之於後。前後矛盾。殊不可解。且所謂聯省會議者。是否有組織。完美之團體。異日結果若何。萬難憑信。若猶是殘缺破裂之會議。竊恐政局益見糾紛。黨爭更形劇烈。推其究極。將置國家人民於萬劫不復之地位。言念及此。可爲寒心。執事仗義陳詞。聲罪致討。玉祥不敏。願執鞭弭。以隨執事之後。敢布區區。統希遠鑒等語。謹此電聞。諸惟賜教。馮玉祥叩印。

●致河南旅滬商聯會復告次第肅清土匪

上海英租界三馬路小花園河南旅滬商界聯合會會長傅許兩先生等均鑒。陷代電悉。土匪猖獗。焦慮同深。念我難民。怒焉如搗。早經電飭各軍。四面撻剿。現已次第肅清。知關錦注。特電奉聞。馮玉祥庚。

▲附刊

●聲討倪嗣沖之誓詞

陸軍第十六混成旅討逆誓師詞。倪賊倡亂。破壞紀綱。元首被逼。國會云亡。輕啟戰釁。兄弟鬩牆。貽殃中土。騰笑列強。此賊不去。國何能康。聲罪致討。我旅維揚。萬衆一心。永矢勿忘。中華民國七年二月四日。

●保守軍械之飭令

接近今廿世紀。號稱強盛之國。莫不賴有良好軍械。以發揚軍人之能力。蓋軍械良窳。實與軍隊命脈攸關。查我國軍器之製造。尙稱幼稚。故軍隊所用槍砲。

概屬購自他邦。值此國欵奇絀。購辦甚匪易。循此推求。其困難情形。亦可概見。明乎此。吾人對於軍械。必須加意珍惜。妥爲保存。垢者拭之。損者修之。不磨不壞。以爲永久。至子彈一項。尤爲重要。茲值大局初定。土匪未盡。尤須加意防範。倘吾人稍有疎忽。設或爲伊所乘。則將來彼卽以此項之子彈。向我。是無異授人以柄。自戕其身。病國害民。莫此爲甚。仰管理軍械各專員。暨各級軍械官。務宜細心考查。以備不虞。各軍官皆歷軍隊有年。自能體察此意。嗣後對於軍械彈藥之保存。務望格外勤慎。察查爲要。爲盼。爲此合行令仰該師旅長轉飭所屬一體凜遵爲要。

●保護學校之通令

爲通令事。照得學校處所。原爲培植人才。軍行所至。卽應保護。方顯文明。陝省前苦陳督苛政。民不安生。此次我軍入關。莘莘學子。投效驅陳者。頗不乏人。以致學業廢弛。虛其校址。目今大局粗定。凡省城附近駐紮各師旅。總期不佔學

校爲宜。以示愛護。至於民房散住。約束尤非容易。各將領從軍有年。此中利害。當有經驗。此後駐紮地址。必擇廟宇會館。暨公共地方爲要。以其地稍寬廣。統馭教育衛生各事。均有裨益。仰該師旅長遵照。確實調查駐紮地點。對於學校。必示不擾爲要。

●保衛商民之訓令

爲訓令事。照得軍人天職。以保商衛民爲第一要義。這是甚麼緣故。因爲我們軍人吃的穿的。使的莫一件不是商民供給我們的。譬如人家出錢僱人做他看門所僱之人。必須竭盡心力。與主人幹事。到農忙的時候。澆地種田。有賊來偷主人錢財。就要替主人抵當。方爲不愧天職。若但不與主人出力。反要凌辱主人。你說這個人要得要不得。我們軍人就是百姓出錢僱下看門的人。我們要是不能保護百姓。那就對不起百姓了。再要恃強使勢。擾害良民。這豈不是拿主人的洋錢。反害主人嗎。還有一說。我們這些人。並不是天生下來就是

軍隊不過戴一頂軍帽穿一身軍衣罷了。試將帽子卸下衣服脫了豈不依然還是百姓。我們家裏父母兄弟一樣是在家當百姓。假如有個不講理的軍官放出如狼似虎軍隊來到我們家裏逢人便打開口就罵。又是要拉騾子。又要拿東西弄的一家不得安靜。試問我們心裏難不難受。一定是恨入骨髓了。我們既不願被人欺侮却要去欺侮別人。這就叫不近人情不講道理。你們想百姓花下許多銀錢養下這種軍隊還是冤不冤呢。本署督平日存心辦事大家想該知道一言以蔽之。我們是百姓僱的並不是政府僱的出來是與百姓辦事並不是與政府辦事。假如莫有百姓政府還要我們做甚麼。大家認定這個宗旨就知道我的話不錯了。如今爲職務羈絆不能常常與大家見面求大家把我這一席話與我最親愛的兵士明白講解務使人人心中知道這種道理知道保民愛民纔好。

●對於軍官禁烟之手諭

吸食鴉片。久干厲禁。隸屬軍人。尤應知法。歷年明令。諄諄告誡在案。惟本署各處課及十一師各官佐。嗣後如有輕意嘗試玩視軍法者。一經查出。一律鎗斃。決不寬容。勿謂言之不預也。此諭。

●對於商民禁烟之通告

禁煙爲中國要政。功令本極森嚴。陝省頻年以來。土匪蠶起。致有奸民乘隙偷種之事。現在中央簡派禁煙大員。并外交內務兩部所派人員。業經抵陝。不日即分往南北山。暨關中道各屬。嚴密查勘。仰商民人等一體遵照。不准再有偷種情事。致起外交爲要。

●信教自由之佈告

信教自由。載在約法。無論孔耶佛道各教。均無強人服從之理。近聞外間發生謠言。謂本督軍服從耶教。有排斥他教之意。殊屬非是。本督軍信從耶教。十有餘年。於教中真理深愧不能切實奉行。安敢懷排除他教之意。即如十一師所

部之官佐目兵。深明教義。身受領洗者。爲數固多。卽宗旨不同。未受領洗者。爲數亦復不少。況十一師信教官佐目兵。大都具有愛國精神。深明耶教真諦。本督軍向與其他之官佐目兵。一體待遇。毫無歧視。仰軍民人等。具明斯意。共維時艱。切勿輕信浮言。致爲所惑。此布。

●解散脅從之佈告

人雖至愚。決無甘心爲匪之理。查陝匪郭堅。爲一已權利。至殘害地方。蹂躪人民。而不顧。實屬罪大惡極。法不容誅。該匪業經授首。與其部下脅從。從此永無關係。近聞郭堅餘部。尙多藏匿民間。不敢露面。自經此次佈告之後。仰各自解散回家。另圖生業。本督軍決不追究。既往。此佈。

●設立圖治館之飭令

案照政治修明。賴人文之蔚起。學識優美。必儲備之有方。陝省近年以來。兵戈迭起。政治未遑。現在時局甫平。百端待理。將欲得真才而備任。使勉措施。以底

治平自非籌設館所分門教授政術文化各學無以資培養而宏造就茲由本督軍省長會訂圖治館辦法所有館長一職亟應委員充任查該員品端學粹任事實心堪以委任爲陝西圖治館館長合行委會仰該館長刻卽遵照擇定地址妥爲籌備詳訂簡章呈候施行以期政治刷新學成有用是所厚望此令

●通飭官長慎用鄉親之訓令

照得用人惟賢古有明訓何地無才豈必鄉親朋友也今者人浮於事真才難得凡用人者一秉至公猶懼有不當之處貽地方以無窮之憂乃近查各機關人員夫役多有係該長官之鄉親者此或因信用所關或因請託而致其中廉謹自持服務熱心者固不乏人特恐用人者狃於成見有所偏私以爲非鄉親不能可靠不足辦事其在爲鄉親者亦以爲一枝可棲藉此爲升官發財之地不問可否不分賢愚爲客者逐非秦者去年來政治之腐壞國事之日非究其原因何莫非由此而致况就愛鄉親一方而言之陸將軍之於蒙城人何嘗不

仁至義盡。其結果爲愛鄉親乎。害鄉親乎。爲公乎。爲私乎。言之思之。不寒而慄。本督軍有鑒於此。深知用人一事。實在不易。賢否之間。關係至鉅。與其引用私人。招實禍而受物議。何如大公至正。無分畛域之爲愈也。各官長任事有年。此中利弊。諒必深悉。就目前而論。盜賊之所以公行。地方之所以難安者。無一非一般官吏縱容包庇。濫於用人之故。有以致之。吾人皆身膺重任。爲地方計。爲人民計。此後對於任用鄉親朋友。總宜慎之又慎。可用者用之。不可用者去之。勿姑息以養奸。勿徇私以敗事。循是而行。不惟民受其賜。尤本督軍之所切盼。不置者也。

● 治豫大綱之公佈

豫省比年以來。民困水火。久不聊生。蓋以此次趨僑無故稱兵。村郭坵墟。死亡枕藉。四民輟業。兵匪縱橫。輿言及此。良用惻然。本督軍受事之初。諮詢所及。痛瘡痍之滿目。懼民隱之弗伸。眷念現狀。殊深焦灼。現經體察豫省情況。酌擬治

豫大綱十條。不爲高遠之談。但期切實。可辦行。卽本此次第措施。與民更始。特先宣佈。俾衆周知。唯是廣益貴在集思。行遠必先自邇。一人之精力有限。四方之視聽難周。凡我豫中父老昆季。如能各據讜言。匡我不逮。尤所昕夕禱求者。也。此布。計開治豫大綱十條。

- 一、振卹戰區災民。俾免失所。
- 二、清理財政各稅。期除苛歛。
- 三、調查戶口清癘。以清盜源。
- 四、整飭巡緝各隊。以待改編。
- 五、查拿貪官痞棍。以安良善。
- 六、籌設實業工廠。以納遊民。
- 七、整理道路水利。以便交通。
- 八、實行義務教育。以開智識。

九、嚴禁煙賭娼妓。以絕根株。

十、厲行剪髮放足。以除陋習。

袁世凱書牘彙編

上海益書局出版

本編內列六類。彙爲一帙。袁氏自入民國以來。雖始總統。終皇帝。聽笑罵於後世。然欲考求民國政局變幻之歷史者。究不可不取資於是編也。

全書一冊 定價大洋八角

黎大總統書牘彙編

內容分文辭、函牘、公牘、批牘、補遺、六卷。黃陂一身。關係民國之安危者。六戰於茲。其所宣布之各種文章。概以愛國之熱忱。發爲救時之至論。故稿甫脫。而舉國已爭相傳誦。蓋於民國偉人筆墨中。卓絕而爲天下之至文者。允推此篇。

洋裝一厚冊。定價洋八角
上海廣益書局發行

中華民國十一年九月出版

馮玉祥書牘一冊

定價大洋四角



編輯者 競智圖書館

校勘者 競智圖書館

印刷者 競智圖書館

發行所 競智圖書館

代售處

上海 廣東
北京 漢口 廣益書局
長沙 開封

上海廣益書局發行

記 札 寶 考
 ■ 觀 大 仙 神 ■
 角 五 價 定 冊 一 裝 洋 面 彩

記 札 戲 辭
 ■ 界 世 稽 滑 ■
 角 五 價 定 冊 一 裝 洋 面 彩

記 札 會 社
 ■ 界 世 女 婦 ■
 角 四 價 定 冊 一 裝 洋 面 彩

說 小 說 戲
 ■ 聞 趣 場 情 ■
 角 三 價 定 冊 一 裝 洋 面 彩

說 小 說 雜 劇
 ■ 記 日 秀 閨 ■
 角 五 價 定 冊 一 裝 洋 面 彩

說 小 說 雜 劇
 ■ 觀 奇 趣 鬼 ■
 角 三 價 定 冊 一 裝 洋 面 彩